


襄汾县新志
太平縣志 卷八



第二集



襄汾县志编纂委员会翻印

一九八六年一月重印

襄陵县新志
太平县志
合刊

襄汾县志编纂委员会

襄陵縣新志

(民國版)

襄陵县新志目录

卷之十八

三四七

沿革表

卷之十九

三五四

营建考

卷之二十

三六四

古迹考

卷之二十一

三八四

金石考

卷之二十二

三九一

著述考

卷之二十三

三九四

旧闻考

卷之二十四

四二二

艺文

襄陵县志卷之十八

沿革考

三代①分封，采邑殊号，及秦郡县，海内之地，代辄更名。襄陵相传以晋襄公②，赵襄子③俱葬于此而得名，实始见于《汉书·地理志》，隶河东郡。自后或改名或改隶，沿革既已不同，考核自宜详备。或以襄陵不始自《汉书》，而先见于《史记·魏世家》：『文侯十九年齐伐取我襄陵。』不知彼之所谓，即《地理志》陈留郡之襄邑，以宋襄公陵而得名者也。名同而地异。附辨。

唐 分天下为九州，县为冀州之域，在畿内近地。

虞 肇十有三州，仍属冀。

夏 复九州之旧，仍属冀。

商 仍夏旧。

周 成王封叔虞于晋，县在封内。春秋时大夫郤犇食邑于此。战国属魏。

秦 废封建，置郡。县属河东郡，襄陵疑始于此。

汉 仍秦制。新莽改名千昌，后汉复旧。三国地入魏，属平阳郡。

晋 属平阳郡。惠帝永兴元年，地入伪汉，刘渊以浮山省入本县。

北 魏 属平阳郡。后魏因浮山地别置葛城县，改平阳为唐州，寻改为晋州，县皆属焉。太武始光四年，擒赫连昌，于临汾东北置擒昌县。以葛城省入临汾，即今太平县。

北齐 移擒昌入襄陵，并名为擒昌县，即今县治东南二十里城南村。仍属晋州。

周 取葛城故地为郭城县。

隋 文帝初，改平阳为平河郡，寻复旧名。未几，仍改郡为晋州，县皆属之。复以郭城省入。炀帝大业初，分平阳旧地为六郡，而县属临汾郡，复名襄陵。

唐 高祖武德二年，裴寂言襄陵地广，析置浮山县，遂移县治于汾水西宿水店，即今县治。西南古襄陵村。宪宗元和十四年属绛州，文宗太和元年属河中府。皆隶河东道。

五代 梁改晋州为定昌军，寻改建宁军，唐改建雄军，县皆属焉。晋初属绛州，后改河中府。

宋 仍属建雄军，太宗太平兴国二年复属晋州。仁宗天圣元年，移县治于晋桥店，即今治。神宗熙宁间，以乡宁县省入本县。徽宗正和六年，升州为府，县属之。靖康后陷于金。

金 属平阳府，隶河东南路总管。

元 初，政府为平阳路。成宗大德中，复改为晋宁路。县隶焉。

明 太祖洪武二年，复改晋宁路为平阳府，隶山右布政司。县属之。

清 因明旧。雍正二年改属绛州，七年确查离绛百里之外，官民不便，复属平阳。民国废平阳府，仍隶河东道。

襄陵县简、缺、难。

春秋晋大夫卻犇食邑。汉始置襄陵县，隶河东郡。襄陵在西北晋襄公之陵，故以名县。

《汉志》注：又太平记言，以赵襄子晋襄公俱陵于是邑，以名县，则大非。襄子臣也，不可名陵，且臣先平君，后人先前人，不伦者三。恐误人，故辨之。

莽曰千昌。魏隶平阳郡。晋为襄陵公国都，北魏治襄陵城，神䴥元年，太武擒赫连昌，析置禽昌县于白马城北。一统志在洪洞县东南二十四里。齐天保七年，並襄陵入禽昌。后周自平阳县东北二十里白马故城移禽昌县于废襄陵故城。隋大业二年，因旧城改为襄陵，隶临汾郡。唐紧隶晋州，元和十四年隶绛州。旋自汾东移治汾水西之宿水店。太和元年改隶河中府，后晋属绛州，后改属河中府。宋紧隶平阳府，天圣元年自宿水店移治北十里之晋桥。熙宁五年废慈州，乡宁县分隶焉。金倚次畿隶平阳府。元中隶晋宁路。明隶平阳府。国朝因之，雍正二年改隶绛州。七年仍隶平阳府。编户，旧七十二里，今二十九里。

《魏地形志》：『晋州、平阳郡禽昌，二汉属河东，晋属即汉晋之北屈也。神䴥元年，世祖禽赫连昌，仍置禽昌郡，真君二年改。七年，並永安属焉，有干城、郭城。又平阳，真君六年並禽昌，太和十一年复，有晋水、高粱城、龙

子城、尧庙。又永安郡永安，真君七年並禽昌，正始二年复，属治仇池壁，有霍山祠赵城。又杨，晋属平阳，后罢，太和二十一年复后，属治阳城，有岳阳、山东、明神。又冀氏郡，建义元年割平阳郡，置冀氏，割禽昌襄陵，置冀氏城。又义宁郡，建义元年置治孤远城，义宁分禽昌置。《隋志》临汾郡襄陵下，『后魏禽赫连昌，乃分置禽昌县，齐並襄陵入禽昌。大业初，又改为襄陵』。《元和志》晋州襄陵县：『周平齐自临汾县移禽昌县于今理，属晋州。大业二年，改禽昌为襄陵，取汉旧名也。先是以禽昌名者，后魏禽赫连昌，因以置县故也。又洪洞县禽昌故县，在县东南二十四里，后魏太武帝禽赫连昌置，因以名焉』。《太平记》『襄陵县，后魏以此地禽赫连昌，遂于白马城置禽昌县，齐天保七年省，周平齐，自临汾县东北二十里白马故城移禽昌于今县焉，亦隶平阳郡』。

《洪洞县志》禽昌考：『近人多以禽昌目洪洞，考之诸书殊未确。洪洞，汉之杨县，迄隋不改。《魏地形志》：『晋后废，太和二十一年复』，不详所废之年，亦不知並入何县。以地证之，今洪洞南为临汾、襄陵，北为赵城、霍州，东为岳阳。临汾故平阳，霍州、赵城、汾西故永安，魏真君六年，並平阳入禽昌，七年並永安入禽昌，杨在其间，时亦並入禽昌，可知。其后四十五年

而平阳复，六十三年而永安复，五十五年而杨亦复矣。此杨並禽昌之时可考者也。据志，禽昌本汉、晋之北屈，为今吉州及大宁县地，晋后废。孝文始置定阳郡及各县，则前此为禽昌之西境，计亦与永安、平阳同时也。据襄陵下，分置禽昌县，则南得襄陵县地也。冀氏下，割襄陵、禽昌二县，置义宁。下分禽昌置义宁，后为和川，並入岳阳，在岳阳东。是建义以前，禽昌东境实尽今岳阳之地。是禽昌全境，南迄临汾、襄陵，西抵吉州、大宁、汾西，北兼洪洞、赵城、霍州，东尽岳阳，凡九州县之地，幅员之大，实无比伦，此其地之可考者也。《元和》《太平》二志又言：『自临汾县移禽昌于今理，临汾今之绛州』，非是，当是平阳县。二志就当时所称名之耳！《太平记》称：禽赫连昌于此误。昌实未至此也又称于白马城置禽昌县，又称临汾县东二十里白马故城，移禽昌于今理，一称临汾县，一称白马城，一称故城，实一地也！盖禽昌郡当时即置白马城，与平阳为双头郡，后罢郡存县，与平阳同为郭下。后周乃移禽昌于襄陵故城，平阳始独治白马城，故今人但以白马目临汾也。二志又称禽昌故县，太平记作城在洪洞东南二十四里，此即后世称洪洞为禽昌之由。今土人相传太武于此刑白马而筑城，闻昌就禽，因以名城，于闻喜获嘉同一志喜，语尚可信。当时昌就禽之所，不必在此也！今临汾

北界二十里有南麻城、北麻城，与洪洞接壤，麻盖马之转音，即白马故城，与《太平记》里数亦合，以高粱旧属杨县证之，此尚在北，则当时属杨亦未可知，故二志皆言禽昌城在洪洞也。二县疆域之割裂皆由真君时省入禽昌，並为一县，又四五十年，太和中复置，遂不能复旧矣！此禽昌县治与城之约略可考者也。自神䴥元年戊辰置禽昌县，至大业三年丙寅而改为襄陵，凡四朝二十主，历一百七十九年，此禽昌治县沿革之可考者也。

谨案：《水经注》：汾水又南迳襄陵故城西。《元和志》：襄陵西北至州二十六里。《太平记》：襄陵州东南二十六里相合，是自魏至唐宋，皆治在汾水东也。惟《明一统志》云：唐徙治汾水西。《方輿纪要》同，旧志从之。今又考《太平记·临汾下襄陵城》：『，汉襄陵县城，在县东南三十里』。襄陵下：『襄陵故城，《冀州图》云：襄陵，郡东南三十二里，即故襄陵城也。太业初曰禽昌，后移就古城，在赵村东南六十里』。案：此有误，恐是赵曲，六十当是十六也。二说相合。而《元和志》无此二条，独所云太业二年，改禽昌为襄陵，取汉旧名也。《太平记》与此语异，参互证之，《元和志》所称周平齐，自临汾移禽昌于今理者，谛是汉之襄陵故城，故下太业二年云云。是作志时，尚治汉之旧县，因不复志故城所在也。《太平记》每不察

而袭其语，致多窒碍。其云今县並州东南二十六里诸语是也。然其引《冀州图记》襄陵故城里数所在则不误。盖已徙新治，故记故城也。而又于前后诸语抵牾。则不详考之过也。考襄陵自元和十二年改隶绛州，而《元和志》语不及，则作志在前也。意即在此际由汾东故城徙治汾西之宿水店，因其近绛，遂改隶耳！自唐至宋，已移汾西，天圣元年，又徙宿水店北十里之晋桥也，明志所称，当有所本，故从之。

【注释】

① 三代：指夏、商、周三个朝代，自夏至东周之春秋时期，实行分封制，诸侯分封领地，称采邑。

② 晋襄公：春秋时晋国君主，名驩，晋文公之子，文公歿后，驩即位。谥曰襄。相传襄公歿后，葬于襄陵东柴南原上，称襄公陵，县因之而得名。

③ 赵襄子：即赵无恤。晋大夫赵鞅之子，春秋末年晋国大夫。知伯围困晋阳时，与韩、魏合谋，灭亡知氏，相传歿后，葬于今襄陵地。其后即三晋之赵国。

襄陵县志卷之十九

营建考

城以卫民，郭以卫城，先王所以设险而固域也！襄邑虽弹丸地，其制度具备，居民生聚于此，教养于此，官师、学校、仓库、坛壝，莫不庇于此，亦甚重矣！重则不可或略，故志其梗概，兼及里镇市集云。

县城宋天圣元年，自宿水店徙治今址，始筑土城，周五里一百六十步，元至正二年，县尹岳贞重筑。明正统十四年，知县赵聪恢拓为门者三。弘治十四年，知县李高竖东南城楼。嘉靖二十一年，知县刘希召增修，高三丈，下阔二丈，上阔一丈。门匾东曰『带汾』，南曰『迎薰』，北曰『屏霍』，各有郭门。嘉靖四十三年，知县张国彦辟城开东南门，为学宫肇启文明，匾曰『大成』。隆庆元年，知县宋之韩始下甃以石，上包以砖。太学士张四维记其事。康熙三十四年四月初六日戌时地震，东北倾塌数十丈，城楼雉堞①无存。知县诸来晟修筑，知县恽东生继修。四十六年，知县宋继均，筑东南墙数十丈，雍正三年，知县俞之琰，建东南奎楼。雍正六年，知县吴世雍完其雉堞。七年

知县阎炳，修四门楼，浚池隍修吊桥。十年知县赵懋本设鼓于东门楼上，改东门楼为樵楼②，同治七年，知县陈纪升修筑南城墙数百丈。

【注释】

① 雉（zhì·知）堞：城上排列如齿状的矮墙，作掩护用。

② 樵楼：（qiáo·乔）高楼。古代建筑在城门上瞭望的楼，称樵楼。

坊厢附

南关南厢附南北水，南郭村各半社。

兴义坊

广智坊

北水关厢附下寺半社

街巷附

文明街在县治西南，通迎薰门。

翔凤街在县治前，通带汾门。

塘子巷在县治西永丰街东。

钟鼓巷在县治西南文明街。

市集附

南关市

东关市

京安镇市

南辛店市

崇仁南坊

明礼坊

通信坊

东水关厢附东郭村半社。

永丰街在县治西北，通屏霍门。

通济街在县治东。

花园巷在县治西永丰街西。

康泽巷在县治西南文明街。

北关市

城内北市

赵曲镇市

邓庄市

公署

上古穴居巢处，其风已邈。室家既建，官府渐兴。或所以款皇华，或所以平讼狱。非徒壮观瞻，蔽风雨已也。其间增减因时，废兴不一，例宜识之。

县治 在城东北隅明礼坊街，北宋天圣元年创建。

清乙亥地震，知县诸来晟、恽东生、宋继均、吴世雍、赵懋本相继重修。道光二十二年，知县金作节重修大门、仪门、忠爱堂。同治十一年，知县钱墉重修大堂、后堂、东西厢房、内宅、寝室。

大门

仪门

东西粮房

马房

犴狱 ① 狱神庙三间，西房三间。雍正九年，知县赵懋本重建东房三间，中隔院墙一道，东女监，西男监。

戒石亭 雍正九年，知县赵懋本重建。

东西皂隶房 民国十年，西皂改建公款局。

东吏户礼三房 今设财政科、缮状处。

西兵刑工三房 今设民治科、司法科。

忠爱堂

东西库房 康熙五十七年，知县周之翰建东库房。西库房缺。

鄮侯祠 今设徵收钱粮处。

幕厅

后堂

公廨 地震圯

寅宾馆 地震圯

土地祠

关圣庙

甲明亭 地震圯

旌善亭 地震圯

尧封名邑坊 今改尧天坊

翔凤坊 地震圯

知县署

前厅

东厢房

西厢房

书房 内有莲池

井亭

退思堂

燕居寢室

县丞署 在忠爱堂西。今裁。

典史署 民国成立后改建警察所。

前厅

堂房

东厢房

西厢房

书房

前门

察院 在县治西南兴义坊街西。今废。